

Oleh MOHD. SAIFUL MOHD. SAHAK
kampus@utusan.com.my

AFFIN Islamic Bank Berhad (Affin Islamic) telah mengagihkan zakat pendidikan berjumlah RM1.6 juta untuk diagihkan kepada semua institusi pengajian tinggi awam di seluruh negara pada tahun ini.

Dana zakat Affin Islamic merupakan salah satu program tanggungjawab sosial (CSR) yang menyasarkan pelajar-pelajar kurang berkemampuan di seluruh negara.

Ketua Pegawai Eksekutif Affin Bank Berhad (Affin Bank), Datuk Zulkiflee Abbas berkata, sumbangan ini sebagai tanda keprihatinan Affin bank melalui dana dibawah zakatnya, Affin Islamic kepada golongan kurang bernasib baik di samping sebagai usaha menyokong program kerajaan dalam membangun serta melestarian komuniti Islam di negara ini.

Katanya, penyerahan zakat itu diharapkan dapat membantu mengurangkan beban pelajar yang kurang berkemampuan di samping menjadi suntikan dan motivasi kepada pelajar untuk gigih berusaha menuntut ilmu dan menempa kecemerlangan di dalam bidang akademik.

"Pelajar-pelajar ini dapat menjadi pemangkin perubahan dalam meningkatkan taraf sosio ekonomi diri dan keluarga pada masa depan, dengan sumbangan ini kami berharap mereka yang kurang mampu tidak akan rasa tersisih. Menerusi zakat itu juga dapat membantu mereka untuk sama-sama bersaing dalam pelajaran dan tidak membuatkan mereka berasa tersisih lagi," katanya.

Antara institusi-menerima zakat Affin Islamic ialah Universiti Malaya, Universiti Teknologi Malaysia, Universiti Sains Islam Malaysia dan institusi-institusi lain di seluruh negara.



ZULKIFLEE Abbas (tiga dari kanan) menyerahkan replika cek sumbangan zakat Affin Islamic bernilai RM300,000 kepada Tabung Amanah Zakat dan Wakaf Universiti Sains Islam Malaysia baru-baru ini.

Affin Islamic agih zakat RM1.6 juta

Tanda keprihatinan Affin Islamic dalam membantu golongan pelajar kurang bernasib baik di negara ini

Sementara itu, Affin Bank Berhad dan Affin Islamic turut menyumbangkan RM4.5 juta daripada dana zakatnya untuk membina Kompleks At-Tijarah AFFIN-Universiti Teknologi Mara (UiTM).

Kompleks seluas 2,665.44 kaki persegi

yang terletak di kampus UiTM Puncak Alam, Selangor itu dijangka siap pada penghujung tahun depan.

Pembinaan kompleks Islam ini membantu pihak universiti bagi menjalankan aktiviti-aktiviti keagamaan,

dakwah dan kerohanian.

Selain itu, kompleks ini juga sebagai pusat komersial yang menjana pendapatan melalui sewaan tapak kedai dan hasil sewaan tersebut akan disalurkan kepada tabung zakat universiti.